



**Lescha davart l'organisaziun en cass da crisa
ella vischnaunca da Tujetsch
(stab directiv communal)**

**Lescha davart l'organisaziun en cass da crisa ella vischnaunca da Tujetsch
(stab directiv communal)**

I. Disposiziuns generalas

Art. 1

Intent Questa lescha reglescha la preparaziun, l'ordinaziun e l'execuziun da mesiras per proteger la populaziun encunter eveniments dalla natira ed encunter autras situaziuns extraordinarias.

Art. 2

Dretg surordinau La concepziun dall'organisaziun en cass da crisa sco era tut las mesiras ordinadas en quei connex ston ademplir las prescripziuns dil dretg surordinau federal (p.ex. lescha federala davart la protecziun dalla populaziun e la protecziun civila etc.) e cantunal (p.ex. lescha davart igl agid en cass da catastrofas, ordinaziun davart la polizia da fiug, lescha per promover la tgira da malsauns etc.).

Art. 3

Egualitad Las denominaziuns da persunas, da funcziuns e da professiuns en questa lescha serefereschon ad omisduas schlatteinas, aschilunsch ch'ei resulta nuot auter dil senn dalla lescha.

Art. 4

Principi L'organisaziun en cass da crisa cumpeglia tut ils agens mieds e tut ils mieds attribui che vegnan duvrai per dumignar situaziuns extraordinarias ni catastrofas.

Ella sebasa sin las structures communalas existentas ed ademplescha sias incumbensas tras in'acziun coordinada e conforma al temps.

Sche questa lescha ni il dretg surordinau prescriba nuot auter, determine-scha la suprastonza communal la concepziun dall'organisaziun en cass da crisa e fuorma in stab directiv communal per quei intent. Igl ei da far in organigram.

Art. 5

Incarica Per dumignar situaziuns extraordinarias ni catastrofas ha il stab directiv communal las suandontas incumbensas:

- prevenziun ed orientaziun dalla populaziun,
- proteger la populaziun, ils beins materials ed igl ambient,
- minimar ils donns,
- restabilir aschi spert sco pusseivel ina situaziun ordinada.

Art. 6

Atgna responsabladad La preparaziun, l'ordinaziun e l'execuziun da mesiras dil stab directiv communal e dallas organizaziuns ch'el ha incaricau da prender mesiras libereschan buca la populaziun dall'atgna responsabladad e dalla responsabladad per sesez.

II. Stab directiv communal

Art. 7

Stab directiv communal

Il stab directiv communal secumpona d'in representant dalla suprastanza communal, dil menader digl uffeci da baghegiar, dil cumandant da pum-piers, dil selvicultur da revier, d'in representant dil survetsch da salvament e dil menader dil center communal sco protocollist.

La suprastanza communal determinescha il representant dalla suprastanza communal ed il president dil stab directiv communal. Nunche la suprastanza communal decidi autramein, ei il president communal ex officio representant dalla suprastanza communal ed a medem temps president dil stab directiv communal.

Art. 8

Incumbensas

Il stab directiv communal sto ademplier tut las incumbensas fixadas el rom dall'incarica (art. 5), el ha surtut da

- a) controllar la prontadad all'acziun ed alarmer,
- b) prevegnir cun informar la populaziun e cun serrar vias e sendas,
- c) evacuar persunas ed animals da territoris periclitai,
- d) prender mesiras da salvament e d'agid,
- e) preparar documentaziuns d'acziun ed il carnet da duers,
- f) procurar per la scolaziun e la formaziun supplementara constanta,
- g) collaborar cun tiazas persunas.

III. Survetsch da segirtad

Art. 9

Survetsch da segirtad

La vischnaunca mantegn in survetsch da segirtad. Quel secumpona dil selvicultur da revier e da duas persunas eligidas dalla suprastanza communal.

Incumbensas

Il survetsch da segirtad ha da giudicar la situaziun da periclitaziun duront igl entir onn. El elaborescha recumandaziuns per mauns dil stab directiv communal.

En situaziuns extraordinarias pren il survetsch da segirtad en atgna cum-petenza mesiras immediatas, sche persunas ni valetas materialas ein periclitadas directamein.

Per cundiziuns specialas sa il survetsch da segirtad, en cunvegnientscha cun il representant dalla suprastanza communal, engaschar specialists.

En situaziuns da periclitaziun extremas sa il survetsch da segirtad vegnir integrais el stab directiv communal.

La suprastanza communal elaborescha carnets da duers per il survetsch da segirtad.

IV. Indemnisaziun, mesiras ed obligaziun da surprender ils cuosts

Art. 10

Indemnisaziun ed assicuranza

La vischnaunca indemnisescha tut ils commembers dil stab directiv communal e dil survetsch da segirtad tenor ils reglaments da salarisaziun dall'atgna vischnaunca ni tenor contracts cun reglamentaziuns specialas. L'acziun el stab directiv communal vala per collaboraturs dalla vischnaunca sco temps da lavur.

Duront lur acziun ein ils commembers dil stab directiv communal e dil survetsch da segirtad assicurai tras la vischnaunca.

Art. 11

Mesiras

Il stab directiv communal pren en atgna responsablada tut las mesiras necessarias che resultan dil camp d'incumbensas (art. 5 e 8).

Las ordinaziuns dil stab directiv communal ein ligiontas per tuts e ston en mintga cass vegnir observadas. Quei vala surtut sche vias e sendas vegnan serradas, sch'ei vegn ordinau da star a casa pervia da prighel da lavinas ed en cass d'evacuaziuns. Per far valer las mesiras sa il stab directiv communal era far diever dalla forza dalla polizia.

Art. 12

Obligaziun da surprender ils cuosts

Ils cuosts en connex cun las mesiras tenor artechel 9 van per regla a quen dalla vischnaunca.

La vischnaunca sa denton era adossar ils cuosts a personas privatas, sche las mesiras ein stadas en lur interess. Ils cuosts en connex cun in'evacuaziun van adina a quen dallas personas evacuadas. Sche la vischnaunca ha furniu prestaziuns preliminaras per quei intent, sa ella pretender anavos quellas dallas personas evacuadas.

Sch'ins vegn buca da secunvegnir tgi che ha da purtar ils cuosts, decida la suprastanza communal el rom d'ina disposiziun contestabla.

V. Disposiziuns penalas e finalas

Art. 13

Disposiziuns penalas

Tgi che observa buca las ordinaziuns dil stab directiv communal, dil survetsch da segirtad ni da cumissiuns ed organisaziuns incaricadas cun incumbensas specialas, vegn castigaus cun ina multa da tochen frs. 1'000.00, en cass da recidiva tochen frs. 3'000.00.

Art. 14

Execuziun

La suprastanza communal exequescha questa lescha e relai las disposiziuns necessarias.

Art. 15

Entrada en vigur

Questa lescha entra en vigur suenter ch'ella ei vegnida approvada dalla radunonza communal.

Approbau dalla radunonza da vischnaunca ils 27-06-2007.